

PUBLIZITATEA

KIROL URTE BERRIAREN HASIERA

Urtero bezala, irailean hasiko da ikasturte berria. Berriro ere egin beharko diete aurre betebeharrei Gipuzkoako ikasle askok udako oporraldiaren ondoren. Baina ikastetxera itzultzea ez da bakarrik berriz ere ikasten hastea. Egun, ikastetxeek jarduera asko eskaintzen dituzte eskolaz kanpoko edo osagarritzko jarduera gisa, eta gero eta garrantzi handiagoa ematen zaie hezkuntza prozesuaren baitan, ezinbestekoak baitira hori osatzeko. Jarduera horien artean berebiziko garrantzia dute kirol jarduerak, ESKOLA-KIROLA deitu ohi dietenek alegia.

1.- IKASTETXEAK, KIROLEAN HASTEKO GUNEAK

Aspaldikoa da Gipuzkoako ikastetxeetako taldeen partehartzea kirol lehiaketetan. Ikasle gutxi batzuek, hau da, kirola praktikatzeke gaituenek ordezkatu ohi zituzten ikastetxeak egiten ziren txapelketetan, eta horietan irabazteak ikastetxeei bai harro egoiteko motiboa bai izen ona ematen zien.

Laurogeiko hamarkadan, hala ere, kirol praktikari buruzko mentalitatea aldatuz joan zen. Eskola-kirolaren ardura duen Gipuzkoako Foru Aldundiak hainbat ekintza bultzatu zituen, IKASLE GUZTIEN partehartzea eta pertsonen heziketa integrala ahalbidetuko zituen eskola-kirola lortzeko. Hortaz, kirola heziketarako bitarteko pribilegiatutzat jotzen da.

Ikastetxeak, horrela, neskatoak eta mutikoak kirolean hasteko aukera ematen duten gune bihurtu dira.

2.- ESKOLA-KIROL JARDUEREN URTEKO PROGRAMA 1995-96 IKASTURTERAKO

Urtero bezala, Gipuzkoako Foru Aldundiak Eskola-Kirol Jardueren Urteko Programa onartu du.

Ikasturte honetako programak honako jarduera hauek barne hartzen ditu:

- LEHIAKETAK

Guztira, 30 espezialitatetan izango dira lehiaketak, hasi klasikoetatik—futbola, areto-futbola, saskibaloia, eskubaloia, atletismoa eta gisakoak— eta beisbol edo patin-hockeyraino.

Euskal pilotaren baitan eskuzkoa, pala eta zesta-punta daude aurrikusita. Herri kirolei dagokienez, ikasleak sokatiran edo lokotx-bilketan aritu ahal izango dira. Lehiaketen artean, piraguismoarekin eta belarekin batera, honako hauek eskaintzen dira: badminton, igeriketa, boleibola, gimnasia, iraupen-eskia, judo eta karatea, tenisa, mahai-tenisa, mendia, irristaketa, rugbya, tiraketa, txirrindularitza, trialsina eta xakea.

- TEKNIFIKAZIOA

Kirolerako gaitasun eta interes handiena duten ikasleek era egokian aurrera egin ahal izan dezaten, hainbat kirol federaziok, futbol, gimnasia, saskibaloia, eskubaloia, piraguismo eta mahai-teniseko federazioek hain zuzen ere, teknifikazio programak egingo dituzte, haien gaitasuna hobetzeko.

- KIROL HASTAPENAK

Aukera ematen duten modalitateetan aurrikusita dago kirol hastapenerako lehiaketak antolatzea; horietan kirolerako gaitasun handiena duten ikasleek parte hartuko dute. Horrelako lehiaketak futbolekin, gimnasian, tenisean eta txirrindularitzan egingo dira.

- SUSTAPEN KANPAINAK

Lehiaketa Jardueraz gain, Eskola-Kirol Jardueren Programaren barruan Sustapen Jarduerak ditugu.

Jarduera hauek, Lehiaketa eta Teknifikazio Jarduerak ez bezala, kirol hastapenetako irizpideez egiten dira, eta, beraz, helburu anitz ahal dituzte (jolas, erabilgarritasun edo kirol hutsezko helburuak, alegia).

Aurten, Gipuzkoako Foru Aldundiak, Gipuzkoako udal eta kirol federazioekin elkarlanean, honako 13 Sustapen Jarduera hauek eskaintzen ditu:

- Badmintonean hasteko ikastaroak.
- Belan hasteko ikastaroak.
- Boleibolean hasteko ikastaroak.
- Igerian ikasteko ikastaroak.
- Gurpil gaineko Irriaketa hasteko ikastaroak.

- Izotz irristaketan hastapenak.
- Izotz irristaketako ikastaroak.
- 'Mendia ezagutu'.
- Piraguismoan hasteko ikastaroak.
- Tiraketa pneumatikoan hasteko ikastaroak.
- Txirrindularitzan hasteko ikastaroak.
- 'UDA 96'.
- Xake jokoan hasteko ikastaroak.

'Uda 96' kanpaina izan ezik, jarduera hauetan parte hartzeko ezinbestekoa da izena ikastetxearen bidez ematea. Hortaz, ikastetxeak berak eskaini behar die jarduera ikasleei.

3.- NOLA PARTE HARTU

Jardueretan kasuan kasuko ikastetxearen bidez parte hartzen da; hauek, modalitate batzuetan, kirol klubak laguntza teknikoa dute jarduerak aurrera eramateko.

Iaz, lehiaketetan bakarrik, hogeita hamalau mila (34.000) ikasle baino gehiagok parte hartu zuten benjamin, alebin, infantil, kadete eta jubnil kategorietan. Horietatik, hogeita mila (20.000) bat mutikoak ziren, eta gainontzekoak, hamalau mila (14.000), neskatoak.

Horietako asko hainbat kirolatan aritzen dira eta, horregatik, egingako kirol lizentziak hirurogei mila (60.000) izan ziren.

Sustapenen artean, UDA kanpainaz —25.000 pertsonatik gora ariko dira horretan— gain, aipagarria da Igerian Ikastea Sustatzeko kanpaina, OHOk 1. mailatik 4. mailara bitarteko ikasleei zuzendua; honetan 17.000 bat ikaslek parte hartuko dute.

Izotz gaineko irristaketan aritzeko Txuri Urdin Izotz Jauregira joango direnek, dudarik gabe, aurreko ikasturtean jarritako marka —35.000koa— gaindituko dute, eta horrela jarrai genezake gainontzeko jarduerekin.

4.- ERRALDOIA

Aipatu zifrek argi uzten dute zer-nolako garrantzia hartu duen eskola-kirolak gizartean azken urteotan. Horrelako kopuruak pertsona eta estamentu askoren lankidetzak eskatzen du. Ildo honetan, eta ikastetxeek betetzen duten funtsezko eginkizunaz gain, azpimarratzekoa da Gipuzkoako KIROL FEDERAZIOEN lana, klubei batera laguntza teknikoa ematen baitute kirol jardueretan.

Era berean, azpimarragarria da UDALek eskola-kirolaren garapenean duten gero eta partaidetza handiagoa; hori, **Gipuzkoako Foru Aldundiak**, gure Lurraldeko Eskola-Kirolaren arduradun gisa, duela zazpi urte abiarazitako jarduera ildoaren ondorio da.



Gipuzkoako Foru Aldundia
Diputación Foral de Gipuzkoa

Gazteria eta Kirol Departamentua
Departamento de Juventud y Deportes